

La Quotidiana 4-6-2014, p. 2

La nova regenza sa constituescha en curt

■ (anr/gc) L'emprima dumonda – suentar las tschernas ed ils auguris a la regenza gist elegida – sa cloma usitadamain tar l'inscunter mensil cun represchentants dals meds da massa: Cu vegn il nov guvern a sa constituir per la proxima perioda d'uffizi 2014–2018? Quai succedia ils 17 da quest mais. Per la nova regenza entschaiva la perioda d'uffizi cun Bumaun 2015.

Sin la dumonda daco che tants candidats per deputads e suppleants, na elegids en il cussegl grond – questa giada èsi mingamai trais – stoppian ir ils 15 da quest mais en il segund scrutini – pli baud erian quai silpli dus deputads, è vegnì respundì che quai saja ina consequenza da la nova fixaziun dal pli absolut. Quel sa dettia da la summa dals ids a l'urna en in circol dividì tras il dubel dal dumber da deputads da mintga circol. Quel saja il bler bass, mo stoppia dentant vegnir cuntanschì – tant dals candidats elegids a l'urna u (anc) a la tschentada.

La regenza ha respundì a la dumonda respectiva, co ils commembers da las 29 cumissiuns vegnian elegids. I saja mingamai da resguardar divers criteris, sco linguatg e regiun. La cumissiun da cultura haja la cumpetenzza da proponer a la regenza a tgi dar onn per onn ils Premis da renconuschienscha e promoziun.

La regenza ha pudì preschentar ina bilantscha positiva cun las medias socialas facebook, twitter e youtube (mira artigel giusut «Ma plascha»).